



20 20 йил « 02 » 03

№ 08-55

« » 20 год

**Ўзбекистон Республикаси Президентининг
2020 йил 24 февралдаги ПҚ–4611-сон қарори ижросини
таъминлаш тўғрисида**

Ўзбекистон Республикаси Президентининг 2020 йил 24 февралдаги “Молиявий ҳисоботнинг халқаро стандартларига ўтиш бўйича қўшимча чора-тадбирлар тўғрисида”ги ПҚ–4611-сон қарори ижросини таъминлаш мақсадида

Б У Ю Р А М А Н:

1. Ўзбекистон Республикаси Президентининг 2020 йил 24 февралдаги ПҚ-4611-сон қарори (кейинги ўринларда – қарор) маълумот ва ижро учун қабул қилинсин.

2. Қарор билан:

Ўзбекистон Республикаси Молия вазирлиги МҲХСни жорий этиш бўйича ваколатли орган этиб белгиланганлиги ҳамда унга молиявий ҳисоботнинг халқаро стандартларига (кейинги ўринларда – МҲХС) соҳасида мутахассисларни тайёрлаш бўйича жаҳоннинг муваффиқиятли тажрибаларини оммалаштириш, шу жумладан бухгалтерия ҳисоби ва аудит соҳасида қайта тайёрлаш ва малака ошириш бўйича нодавлат таълим ташкилотларини (кейинги ўринларда – аккредитациядан ўтган ўқув марказлари) ҳамда соҳага оид олий таълим муассасаларининг ўқув дастурларини босқичма-босқич халқаро аккредитациядан ўтказиш юзасидан бухгалтерия ҳисоби соҳасидаги халқаро ташкилотлар (Сертификатланган дипломли бухгалтерлар халқаро ассоциацияси (Association of Chartered Certified Accountants АССА) ва бошқалар) билан ўзаро ҳамкорликни кенгайтириш функциялари юкланганлиги;

илғор халқаро тажрибани ҳисобга олган ҳолда молиявий ҳисоботнинг халқаро стандартларини ва мазкур соҳада кадрлар тайёрлашнинг замонавий усулларини босқичма-босқич жорий этиш бўйича “йўл харитаси” тасдиқланганлиги;

Ўзбекистон Республикаси Молия вазирлиги Олий ва ўрта махсус таълим вазирлиги билан биргаликда Тошкент давлат иқтисодиёт университети, Тошкент молия институти, Самарқанд иқтисодиёт ва сервис институти, Фарғона политехника институтининг “Бухгалтерия ҳисоби” ва “Аудит” фанлари бўйича педагог ходимларини аккредитациядан ўтган ўқув марказларида МХХС бўйича тезлаштирилган тарзда ўқитиш жадвалини тасдиқлаши;

2020 йил 31 декабрга қадар бухгалтерия ҳисоби ва аудит соҳосидаги мутахассисни тайёрлаш бўйича халқаро тажрибани ўрганиш натижалари асосида “Бухгалтерия ҳисоби ва аудит” бакалавриат таълим йўналишида ўқитишнинг кундузги шакли муддатини қисқартириш имконияти тўғрисида Вазирлар Маҳкамасига таклиф киритиши белгиланганлиги инобатга олинсин.

3. Бухгалтерия (А.Иминов) молия-иқтисод бўлими (А.Рахимов) билан биргаликда ушбу қарордан иш фаолиятида, Умумтаълим фанлар кафедраси (Г.Носирходжаева) ўқув жараёнида фойдаланилишини таъминласин.

4. Ушбу буйруқнинг бажарилишини назорат қилиш проректор Б.Бобожонов зиммасига юклансин.

Адлия вазири
ўринбосари – ректор



Р. Ҳакимов